



UNIVERSITÄTS-
BIBLIOTHEK
PADERBORN

Universitätsbibliothek Paderborn

Antidota Evangelica contra horum temporum hæreses

Stapleton, Thomas

Antverpiae, 1595

In Lvcæ Cap. 9.

urn:nbn:de:hbz:466:1-39546

lum quod ex sua sola fide unusquisque saluatur, sed etiam quod ex mea fide de alterius salute alter quoque saluaretur. Hic enim ex fide patris filia mortuare resuscitatur & salua facta est. Si ergo ex sola fide patris saluata est filia, & hoc exemplo sola fides ad omnia a Deo impetranda valere debet; sequetur quod sola fides non credenti tantum, sed & omnibus pro quibus credere velit, salutem impetrat. At qui nec ipsi heretici hoc dicere audebunt. Nihil ergo hic locus pro fide iustificante facit. Deinde non docet hic locus ex sola fide hoc beneficium impetratum fuisse: sed quoniam prius hic Archisynagoga & humilitate multa ostendisset (*procidit enim ad pedes Iesu*) & oratione ardenti usus fuisset (nam deprecabatur eum multum, ait Marc. cap. 5.) nunc autem audita morte filiae dubitare coepisset, hortatur eum Christus ad solam fidem, quia illa sola labefactari coepit; non quia propter illam solam beneficium, quod petiit, collaturus esset, sed quia sine firma fide collaturus non esset.

IN LVCAE CAP. 9.

7. *Eo quod diceretur a quibusdam, quia Ioannes surrexit a mortuis, &c.*

PROPTER has populi Indiaici varias dubitationes de Christo, & quia Matth. 14. Herodes existimabat Christum esse Ioan. Baptistam a mortuis resurgentem, & quia Matth. 16. alij Christum esse Ieremiā aut aliū Prophetam existimarunt, & deniq; quia Ioan. 1. Pharisēi interrogant Ioan. Baptistam an esset Elias, Calvinus

nus in comment. Harmoniae sue ad cap. 14. & 16.
Matth. & in hunc locum, & in comment. super
Ioan. cap. 1. & cap. 9. constanter docet Iudeos &
ipso maximè Pharisæos credidisse transmigrationem
animarū in corpora, quam olim Pythagoras docuit. Ex quo Pharisæorū errore præsup-
posito, contra errores Synagogæ, & consequenter
Papatus, variam disputandi occasionem arripit.
Sed totam hanc de Iudeis opinionē falsam plane
& vanam esse solidis argumentis Franciscus pro-
bat Toletus in comment. in Ioan. cap. 1. Quorū
præcipuum ferè istud est: Pharisæi pro certo cre-
debat resurrectionem mortuorum, vt appareat
Act. 23. clamante Paulo se ut *Pharisæum de resurrec-*
tione mortuorum iudicari. Atqui resurreclio mortuo-
rum, quæ singulos cum singulis animabus in cor-
poribus proprijs resurgere ponit, transmigratio-
ni animarum ex diametro contraria est. Deinde
nec hic locus nec alij citati illam Iudeos op-
inionem habuisse docent, sed planè contrarium.
Nam hic alij putabant aut Ioan. Baptistam aut
aliquem Prophetam à mortuis resurrexisse, qui
Christus esset; alij Eliam apparuisse, quem non
adhuc esse mortuum ex Scripturis suis sciebant.
Resurrexisse aliquem opinabantur cum corpore
proprio, non defuncti cuiusquam anima in Chri-
stum migrasse. Sic Christum aut Ioan. Baptistam
Eliam esse potuisse opinabantur, non quod ani-
ma Eliæ in Christum migrasset, sed quod hic Christus ipse met Elias esset. Sanè nec hunc errorem
Christus illis unquam impropereavit, nec Clemens
Rom. Conf. Apost. lib. 6. cap. 6. vel Epiph. hær.
16. ubi Iudeorum errores enumerantur, de hoc er-
rore illū verbū faciunt. Iosephi verba de bello
Iud. lib. 2. cap. 7. ubi scripsit Pharisæos existimare
bo-

bonorum animas in corpora transmigrare, magis declarat Antiq. lib. 18. cap. 2. eorum sententiam fuisse, quod bonorum animæ facile ad corpora redirent. j. ex mortuis resurgerent, vt hic de illis Lucas refert. Tametsi vero Iudæi hodie hoc errore laborant, non sequitur vlo modo etiam Chri. sti tempore eodē errore eos laborasse. Recentiores quippe Iudæi non bonorum tantum sed & impiorum animas transmigrare existimant, multis que alijs erroribus laborant à quibus Iudæi Christo veniente inimunes erant. Est igitur vanum & fabulosum, Iudæos, Christo veniente, errore hoc Pythagorico laborasse.

54. Domine, vis dicamus ut ignis descendat de cœlo, & consumat illos?

ARIPIT hic occasionem Calvinus eorum pietatem taxandi qui Sanctorum Patrum exempla imitari student. Hic (inquit) videmus quod nos impellat stulta sanctorum patrum imitatio. Quare vero istud? Obtendunt (inquit) Iacobus & Ioannes Eliæ exemplū, sed non attendunt quantum ab Eliä differant. Non bene examinant Zeli sui in temperiem: ad Dei vocationem non respiciunt. Hæc ille. SS. Patriū imitatio defen- ditur. Sed primū aperte nientitur, quum ait Apostolos obtendere Eliæ exemplum. Nullam Eliæ mentionem faciunt: ergo eius exemplū non obtendunt. Illud quippe obtendimus quod ad facti nostri vel rationem vel excusationem disertè proferimus. Deinde etsi conijcere liceat ad exemplū Eliæ eos hoc petiisse, tamen neque ex conjectura fas est Apostolos condemnare, neque hæc conjectura firma est. Elias quippe ad suam tutelam, suóque voto in regios milites, qui ad eum capiendum ve- nerant,

nerant, ignem de celo impetravit. Apostolique suam sed magistri sui causam agunt, neque ad suum votum sed ad Christi beneplacitum ignem de cælo perunt. *Vis* (inquiet) ut dicamus ut ignis descendat de cælo? Rem totam voluntati Christi relinquunt. Hoc discrimen Caluinus eludere conatur. *Quan-*
quam (inquit) dubium est, putentne sibi in manu esse po-
tentiam, an sibi à Christo dari petant; mibi tamen hoc magis
probabile est, quod stulta fiducia elati, modò annuat Christus,
ad exequendam vindictam se armatos esse non dubitent.
Hæc ille. Contra aperta Apostolorum verba in-
dubium vocat, an ignem è cælo deuocandi po-
tentiam sibi in manu esse putent (sicuti in manu
Eliæ erat, hanc illi potentiam Deo concedente)
an sibi à Christo dari petant: & illud prius magis
probabile existimat, quum disertissimis verbis
hanc à Christo potentiam petierint. Dixerunt
enim, *Vis* ut dicamus, id est, placetne tibi ut nos iu-
beamus. Si enim tibi placet, & tu fieri id vis, nos
illud exequemur. Elias autem, cuius exemplum
Apostolos hic obtendere Caluinus mentitur, quoniam
milites regios occidere vellet, non dixit, Domine,
vis ut dicam ut ignis descendat de cælo; sed dixit,
Si homo Dei ego sum, descendat ignis de cælo. Elias ergo 2. Reg. 1.
simpliciter, quatenus homo Dei est, hoc iubet.
Apostoli si Christus velit, non aliter, iubere pa-
ratis sunt. Non dicunt, Si nos Apostoli sumus, descen-
dat ignis. Sed si tu vis ut dicamus, quod ignis de-
scendat, parati sumus hoc dicere. Planum igitur
& perspicuum est, quod à Christo hanc sibi potes-
tatem dari petunt, non eam sibi in manus sua esse
putant.

Deinde non ideo Christus Apostolos repre-
hendit quod quasi Eliæ imitatores esse vellent, &
Patrum suorum exempla præpostere sequi; sed
quod

Apostoli
contra
procaci-
tatem
Caluini
defen-
duntur.

**Patrum
imitatio-
ne n
Christus
non re-
prehendit.**

**Conse-
quentia
Caluinia-
na ab-
surditas.**

quod non aduerterent se huiusmodi Patrum non esse filios, nec ad illum spiritum pertinere quem illi acceperunt, seueritatis scilicet, quae in timore suos contineret (quae fuit veteris populi disciplina) sed ad spiritum mansuetudinis & misericordiae, quae per amorem alliceret, qui Euangelicus spiritus est. Sic enim illorum temeritatem corrigit: *Nescitis cuius spiritus estis*, id est, nescitis quem spiritum haberet debeat, videlicet Euangelicum, non legalem; mansuetudinis, non seueritatis; denique ad ædificationem, non ad destructionem. Nam & ego magister vester non veni animas perdere, sed salvare. Hic est germanus huius loci sensus. Nulla igitur est ista consequentia: Apostoli noui testamenti ministri non debent veteris testamenti Patres in eo quod illius testamenti statutum concernit imitari, quia diuersus est utriusque testamenti spiritus, diuersa ratio: ergo filii noui testamenti, Christiani fideles, non debent imitari pia exempla Sanctorum Patrum eiusdem testamenti. Haec est Caluini consequentia vana & improba. Nos, quum Sanctorum Patrum exempla sequimur, eiusdem testamenti & status Patres sequimur, qui eundem Spiritum acceperunt quem nos; ideoque quum eos imitamur, dici nobis non potest: *Nescitis cuius spiritus estis*. Ac per hoc factum istud Apostolorum nihil prorsus contrafideles Christianos facit, qui Sanctorum Patrum exempla pie ac studiose imitantur. Adjungit alium locum ex Ioan. 4. cap. de Samaritanis, qui suorum Patrum pretextu idolatriam suam fucabant. Sed quum ad eum locum ventum fuerit, ei respondebitur.

IN